

## Kata Pengalo – Ngalo Ras Momo

---

Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

## Kata Penaruh

=====

Turang ras senina i bas Tuhan Jesus Kristus, manusia itepa Dibata guna muji ras mpebadiaken gelarNa arah perukuren, pengerana ras perbahanenta. Arah Minggu Kantate enda, ibabai kita lebe nggejapken ras ngidah keleng ate Dibata si jadi ulu keriahenta guna nehken puji-pujin. Sabab kalak si ngidah kiniulin Dibata nge si ngasup muji ras empermuliaken GelarNa. Mari dage kita ngadap ku IA alu pusuh si ersikap guna ngidah kiniulin Dibata, ras alu pusuh si dem alu pujin ras pengataken bujur.

**Erkata Lonceng**

*(Perp. Tedis)*

**Rende**

**KEE No. 163 : 1, 2**

*(Serayan Kebaktin Bengket Ku Mimbar)*

**Kebaktin Minggu, 03 Mei 2026**  
**Minggu Kantate : “Rendelah”**

<b>3</b>	<b>Votum – Salam</b> <span style="float: right;"><i>(Perp. Tedis)</i></span>
L	I bas gelar Dibata Bapa ulu kerina kiniulin geluh, i bas gelar Jesus Kristus si metunggun ngaloken pujin-pujin ras i bas gelar Kesah Si Badia si ngajari kita muji Dibata alu mehuli. Perkuah ate ras dame i bas Dibata Bapa ras i bas Tuhanta Jesus Kristus nari i bas kerembaken Kesah Si Badia ras kita kerina gelah. Amin.
P	Amin ..... Amin ..... Amin ..... <i>(iendeken)</i>
<b>4</b>	<b>Berita Kerna Perbahanen Ras Sura-Sura Dibata (Invocatio)</b>
L	“TUHAN, enggo ipepalemNdu aku. Ikuik kami me kulcapi dengen ngendeken puji-pujin baNdu. I bas Rumah PertotonNdu iendeken kami puji-pujin, kidekah umur geluh kami.” ” (Jesaya 38 : 20).  Erpalasken Kata Dibata enda, sipuji IA alu radu ras kita ngendeken : <b>KEE No. 372 : 1, 2, 3</b>
<b>5</b>	<b>Berita Kerna Perbahanen Dibata (Masmur 104)</b> <span style="float: right;"><i>(Perp. Kundul)</i></span>
L	Andiko seh kal muliana Dibatanta, iaturkenNa doni enda seh maka sikap kal jadi ingan nggeluh man kerina tinepa. O kam kerina tinepa, Pujilah Dibata Si mada kuasa.
P	Haleluya ...! Haleluya ...! Haleluya ...!
L+P	<i>(Ngendeken KEE GBKP 306 : 1, 4)</i>
L	Kemulian Dibata teridah arah terang si ersinalsal, arah embun ras angin sirembus. O kam kerina tinepa, Pujilah Dibata Si mada kuasa.
P	Haleluya ...! Haleluya ...! Haleluya ...!
L+P	<i>(Ngendeken KEE GBKP 306 : 1, 4)</i>
L	Kemulian Dibata teridah arah lau maler si meciho, seh maka kerina tinepa lanai muas.
P	Haleluya ...! Haleluya ...! Haleluya ...!
L+P	<i>(Ngendeken KEE GBKP 306 : 1, 4)</i>

L	Kemuliaan Dibata teridah arah deleng-deleng si meganjang, juma ras sabah, sinuan si meratah bage pe singgo megersing. Bage pe kerina rubia si meliar ras asuh-asuhen kerinana itepaNdu alu mehuli.
P	Haleluya ...! Haleluya ...! Haleluya ...!
L+P	(Ngendeken KEE GBKP 306 : 1, 4)
<b>6</b>	<b>Kinata Kegeluhen Manusia Ras Pengakun Dosa (Bdk. Kejadin 1 : 28)</b>
L	Tuhan enggo ncidahkan kemuliaanNa arah kerina tinepaNa.
P	O Tuhan, dosaku namburi mataku guna ngidah kemuliaanNdu i bas ulina tinepaNdu, emaka la aku ngasup muji Kam.
L	Tuhan enggo mpetangkas kiniulinNa i bas diri manusia.
P	O Tuhan, megati la kugejap, maka aku itepaNdu mulia mehaga bagi Kam, seh maka la turah ukurku muji Kam.
L	Tuhan enggo mpekena-kena kegeluhenta erkelang-kelangken temanta manusia, bage pe arah kiniulin tinepa si deban.
P	O Tuhan, megati lepak pengertinku, subuk nandangi temanku manusia, bagepe nandangi tinepandu si mehuli enda. Lupa aku muji gelarNdu dengen njagai doni enda. O Tuhan, alemi kal dosangku.
L	Marilah siakuken salah ras dosanta man Dibata arah ende-endenta : <b>KEE No. 391 : 1, 2</b>
<b>7</b>	<b>Berita Pengalemi Dosa</b> <span style="float: right;"><i>(Perp. Tedis)</i></span>
L	Selaku persuruhan Dibata aku nehken kataNa man banta kerina kita si ngakuken dosanta, niNa Dibata : <i>“Kutamaken me Undang-undangKu ku bas pusuhna, janah Kusuratken me ku bas ukurna.” Tole nina, “Kulupaken me dosa-dosana ras perbahanenna si jahat” (Heber 10 : 16b, 17).</i> Bage me nina Dibata man banta kerina. Amin.  Sipuji dage Tuhan i bas dosanta enggo ialemiNa, alu ras kita rende : <b>KEE No. 423 : 1, 2, 3</b>

8	Kata Dibata <span style="float: right;"><i>(Perp. Kundul)</i></span>
a	<p>Marilah sibegiken Kata Dibata si man ogenken ibas Minggu enda sini ibuat ibas Kitab <b>Lukas 18 : 35 - 43</b>. Mari siogeken secara pegancih. Sibenaken pengogenta ...</p> <p style="text-align: center;"><b><u>Ipepalem Jesus sekalak pemindo-mindo si pentang</u></b></p> <p>18:35 Asum Jesus nandangi seh i Jeriho, lit me sekalak pentang kundul i tepi L dalam mindo-mindo.</p> <p>18:36 Asum ibegina mentas jelma si nterem, nungkun ia nina, “Kai e?” P</p> <p>18:37 Erjabap kalak man bana, “Mentas Jesus kalak Nasaret.” L</p> <p>18:38 Jenari erlebuh ia alu sora megang, “O Jesus! Anak Daud! Mekuah min P ateNdu aku.”</p> <p>18:39 Ilarang kalak si arah lebe ia, gelah ola ia gejek. Tapi reh gangna ia L erlebuh nina, “O Anak Daud! Mekuah min ateNdu aku.”</p> <p>18:40 E maka ngadi Jesus erdalan, jenari isuruhNa kalak negu si pentang e ku P IA. Kenca seh ia i lebe-lebe Jesus, isungkun Jesus ia nina,</p> <p>18:41 “Kai kin atendu Kubahan man bandu?” Erjabap ia, “O Tuan, ateku min L gelah aku erpengidah mulihi.”</p> <p>18:42 E maka nina Jesus man bana, “Erpengidahlah kam! Kinitekenndu P erbahanca kam enggo malem.”</p> <p>18:43 Minter ia erpengidah, jenari ikutkenna Jesus, janah ikatakenna bujur L man Dibata. Asum kalak si nterem ngidah si e, kerina ia muji Dibata.</p>
	<p style="text-align: center;">Ketuahen kalak si megiken kata Dibata, dingen si makekenca i bas geluhna si teptep wari, Halleluya.</p> <p style="text-align: center;">Ialoi perpulungen alu ngendeken :</p> <p style="text-align: center;"><i>Halleluya .... Halleluya .... Halleluya ....</i></p>

b	Ertoto guna Khotbah
c	Khotbah : <b>Masmur 98 : 1 - 9.</b> Tema : <b>“Rende Man Tuhan”</b>
d	Ertoto kenca khotbah
<b>9</b>	<b>Pengakun Kiniteken</b> <i>(Perp. Tedis)</i>
	Aku tek man Dibata Bapa si la ersibar kuasaNa, si nepa langit ras doni. Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate. Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap. Amin.
<b>10</b>	<b>Persembahen</b> <i>(Perp. Kundul)</i>
L	Genduari sisehken persembahen pengataken bujurta man Dibata. Kata Dibata si jadi palas man banta mereken persembahen niNa : <i>“O senina-seninangku, nginget perkuah ate Dibata si mbelin si isehkenNa man banta, kupindo man bandu: Endeskenlah kulandu man Dibata saja selaku persembahen si nggeluh rikutken si ngena ateNa. Sabap bage me arusna kam ersembah man Dibata sue ras biakndu selaku mahluk si rukur” (Roma 12 : 1).</i>  Tupung sisehken persembahenta ras kita rende arah : <b>KEE No. 450 : 1, 2, 3, 4</b>  Pertoton Persembahen ras Syafaat
<b>11</b>	<b>Perpadanen Man Dibata</b> <i>(Perp. Tedis)</i>
L	Dibata tetap mereken kesempatan guna ngidah kiniulinNa, dengen mereken kinihagan man manusia guna njagai kiniulin doni enda.
P	Erpadan aku O Tuhan, kuendesken geluhku man baNdu. Atanken aku tetap ngenanami kiniulinNdu, jenari pakelah aku njagai dengen

	naksiken ulina bekas tinepaNdu.
L	Sipuji Tuhan alu ngendeken : <b>KEE No. 366 : 1, 2, 3</b>
<b>12</b>	<b>Pertoton Tuhan</b>
<b>13</b>	<b>Pengutusen Ras Pasu-Pasu Dibata</b>
L	<p>“Berkatlah, saksikenlah kiniulin Dibata, dengen pakeken geluhndu mpekena-kena doni enda. Guna mpegegehi kam ndalankenca alokenlah pasu-pasu idur Dibata nari :</p> <p><i>“Ipasu-pasu janah ikawali Dibata kam, demi, dengen pekena-kena doni enda guna kemulian gelah Bapandu si ni Surga. Dibata tetap ras kam seh ku kedungen jaman”</i> Amin.</p>
	<p>Ialoi perpulungen alu ngendeken :</p> <p>A..min</p> <p>A....min</p> <p>A .....min</p>
	<b><i>SELAMAT HARI MINGGU/SYALOOM.....</i></b>